

KURSUS ASUHAN DAN DIDIKAN AWAL KANAK-KANAK PERMATA (KAP)

1. PENGENALAN

1.1 Akta Taman Asuhan Kanak-kanak 1984 [Akta 308] dan Peraturan-Peraturan Taman Asuhan Kanak-Kanak 2012 (Peraturan-Peraturan TASKA 2012), mewajibkan semua TASKA berdaftar hendaklah mematuhi standard minimum yang telah ditetapkan oleh Jabatan Kebajikan Masyarakat (JKM). Di bawah Peraturan-Peraturan TASKA 2012, berkuatkuasa 1 Januari 2013, Kursus Asuhan dan Didikan Awal Kanak-Kanak PERMATA (KAP) merupakan kursus yang diwajibkan ke atas pengusaha, pengurus, penyelia dan pengasuh TASKA.

1.2 Menurut Peraturan-Peraturan TASKA 2012, semua pengusaha, pengurus, penyelia hendaklah lulus KAP, manakala pengasuh perlu hadir dan lulus KAP dalam tempoh dua belas bulan bekerja. Latihan berkaitan pengasuhan dan didikan awal kanak-kanak amat penting untuk menentukan kualiti asuhan dan didikan kanak-kanak di TASKA terjamin bagi memenuhi keperluan perkembangan menyeluruh, keselamatan dan kesejahteraan kanak-kanak serta menangani berlakunya insiden kemalangan dan kematian kanak-kanak.

2. CARA-CARA MEMOHON

Permohonan sebagai agensi latihan, jurulatih atau fasilitator boleh dibuat secara online melalui laman web JKM dalam Sistem Pengiktirafan Agensi Latihan @ Portal ezi2Care atau secara manual. adalah seperti berikut:

- 2.1 Permohonan pengiktirafan sebagai agensi latihan seperti lampiran 1;
- 2.2 Permohonan pengiktirafan sebagai jurulatih seperti lampiran 2; dan
- 2.3 Permohonan pengiktirafan sebagai fasilitator seperti lampiran 3.

3. SYARAT-SYARAT KELAYAKAN AGENSI LATIHAN

Syarat-syarat untuk memohon sebagai agensi latihan KAP yang diiktiraf adalah seperti berikut:

- 3.1 Warga negara Malaysia;
- 3.2 Berumur 18 tahun ke atas;
- 3.3 Persatuan atau individu yang berdaftar dengan Pendaftar pertubuhan atau Suruhanjaya Syarikat Malaysia (SSM);
- 3.4 Pengalaman sekurang-kurangnya tiga (3) tahun menjalankan apa-apa kursus yang berkaitan;
- 3.5 Mempunyai sekurang-kurangnya 6 orang jurulatih dan 4 orang fasilitator yang diiktiraf;

- 3.6 Mempunyai kemudahan serta peralatan latihan yang cukup dan sesuai untuk melaksanakan Kursus Asuhan dan Didikan Awal Kanak-Kanak PERMATA; dan
- 3.7 Apa-apa syarat lain atau pengecualian yang difikirkan patut dan sesuai oleh KPKM.

4. **SYARAT-SYARAT KELAYAKAN JURULATIH**

4.1 **Jurulatih *TOT* Kursus Asuhan dan Didikan Awal Kanak-Kanak PERMATA** - mempunyai kelayakan seperti berikut:

- a) Umur 30 tahun ke atas;
- b) Warga negara Malaysia;
- c) Kelulusan akademik/kemahiran seperti:
 - i. Ijazah Sarjana Muda atau lebih tinggi; atau
 - ii. Sijil Kemahiran Malaysia Tahap 5 dalam bidang dalam bidang Jagaan dan Komuniti.
- d) Pengalaman mengajar dalam KAAK atau Kursus Asuhan dan Didikan Awal Kanak-Kanak PERMATA (KAP) atau apa-apa kursus yang berkaitan dalam bidang pendidikan awal kanak-kanak sekurang-kurangnya lapan (8) tahun; dan
- d) Apa-apa syarat lain atau pengecualian yang difikirkan patut dan sesuai oleh (KPKM) Ketua Pengarah Kebajikan Masyarakat.

4.2 Jurulatih Kursus Asuhan dan Didikan Awal Kanak-Kanak PERMATA – mempunyai kelayakan seperti berikut:

- a) Umur 25 tahun ke atas;
- b) Kelulusan akademik/kemahiran seperti:
 - i. Sekurang-kurangnya Diploma/STPM/HSC; atau
 - ii) Sijil Kemahiran Malaysia Tahap 4 dalam bidang pengasuhan kanak-kanak.
- c) Pengalaman selama dengan tiga (3) tahun dalam bidang pendidikan awal kanak-kanak/bekerja di TASKA bagi kelulusan Diploma/STPM/HSC/ SKM 4;
- d) Hadir dan lulus KAAK dan *TOT* KAAK atau Kursus Asuhan dan Didikan Awal Kanak-Kanak PERMATA dan *TOT* Kursus Asuhan dan Didikan Awal Kanak-Kanak PERMATA;
- f) Hadir Bengkel *Refresher TOT* Kursus Asuhan dan Didikan Awal Kanak-Kanak PERMATA (mengikut keperluan);
- g) Jurulatih hanya dibenarkan mewakili 4 agensi latihan yang diiktiraf dan mengajar 2 sub-tajuk utama (*core paper*) dan 4 sub-tajuk bukan utama (*light paper*) sahaja

(maksimum) atau 6 sub-tajuk bukan utama (*light paper*) sahaja (maksimum); dan

- h) Apa-apa syarat lain atau pengecualian yang difikirkan patut dan sesuai oleh KPKM.

4.3 **SYARAT-SYARAT KELAYAKAN FASILITATOR** – mempunyai kelayakan seperti berikut:

- a) Umur 25 tahun ke atas;
- b) Kelulusan akademik /kemahiran seperti berikut:
 - i. Sekurang-kurangnya Diploma/STPM/HSC; atau
 - ii. Sijil Kemahiran Malaysia Tahap 4 dalam bidang pengasuhan kanak-kanak;
- c) Pengalaman selama dengan tiga (3) tahun dalam bidang pendidikan awal kanak-kanak/bekerja di TASKA bagi kelulusan Diploma/STPM/ HSC.
- d) Lulus KAAK dan hadir TOT KAAK;
- e) Hadir Bengkel *Refresher* TOT Kursus Asuhan dan Didikan Awal Kanak-Kanak PERMATA (mengikut keperluan);
- f) Fasilitator hanya dibenarkan mewakili 4 agensi latihan yang diiktiraf (tertakluk kepada perubahan); dan
- g) Apa-apa syarat lain atau pengecualian yang difikirkan patut dan sesuai oleh KPKM.

- 4.4 Tempoh sah pengiktirafan bagi agensi latihan yang telah membayar fi adalah 2 tahun dan untuk jurulatih serta fasilitator yang membayar fi adalah 3 tahun. Agensi latihan, jurulatih dan fasilitator perlu memperbaharui pengiktirafan mereka sekurang- kurangnya 3 bulan sebelum tamat tempoh.

5. PEMBATALAN PENGIKTIRAFAN

- 5.1 JKM boleh membatalkan pengiktirafan yang dibuat jika terdapat apa-apa pelanggaran dan ketidakpatuhan mana-mana syarat yang dikenakan berhubungan dengan pengiktirafan yang diberi;
- 5.2 Apa-apa kegagalan memberitahu sebarang perubahan maklumat;
- 5.3 Aduan atau perlakuan yang disabit kesalahan;
- 5.4 Apa-apa komen atau yang melibatkan agensi latihan, jurulatih dan fasilitator agensi latihan lain serta pengurusan dan pengendalian KAP yang tidak disalurkan terus ke JKM.
- 5.5 Agensi itu telah berhenti melaksanakan Kursus Asuhan dan Didikan Awal Kanak-Kanak PERMATA dalam tempoh pengiktirafan.

6. PERLAKSANAAN KURSUS ASUHAN DAN DIDIKAN AWAL KANAK-KANAK PERMATA

Mana-mana pihak yang diberi pengiktirafan untuk melaksanakan Kursus Asuhan dan Didikan Awal Kanak-Kanak PERMATA hendaklah mematuhi syarat-syarat berikut:-

6.1 Penyelaras Kursus

- a) Umur 25 tahun ke atas
- b) Kelulusan akademik /kemahiran
 - i) Sekurang-kurangnya Diploma/STPM/HSC; atau
 - ii) Sijil Kemahiran Malaysia Tahap 3 dalam bidang pengasuhan kanak-kanak; atau
- c) Lulus KAAK/ hadir *TOT* KAAK/lulus Kursus Asuhan dan Didikan Awal Kanak-Kanak PERMATA/ hadir *TOT* Kursus Asuhan dan Didikan Awal Kanak-Kanak PERMATA;
- d) Hadir Bengkel *Refresher TOT* Kursus Asuhan dan Didikan Awal Kanak-Kanak PERMATA (mengikut keperluan)
- e) Perlu menghadiri bengkel penyelaras kursus yang akan dilaksanakan oleh agensi yang dilantik JKM.

f) Apa-apa syarat lain atau pengecualian yang difikirkan patut dan sesuai oleh KPKM.

6.2 Pakej Latihan

6.2.1 Pakej latihan Kursus Asuhan dan Didikan Awal Kanak-Kanak PERMATA yang diluluskan oleh JKM adalah berdasarkan Kurikulum Asuhan dan Didikan Awal Kanak-Kanak PERMATA;

6.2.2 Kandungan modul kursus adalah seperti di Lampiran 1. Sebarang pertambahan atau pengurangan kepada kandungan pakej latihan hendaklah mendapat persetujuan bertulis daripada JKM;

6.2.3 Tempoh kursus adalah tidak kurang daripada 144 jam tidak termasuk latihan amali/praktikum dan peperiksaan bertulis;

6.2.4 Penjadualan kursus adalah seperti yang telah ditetapkan oleh Panel Pengiktirafan Kursus Asuhan dan Didikan Awal Kanak-Kanak PERMATA seperti di Lampiran 2;

6.3 Praktikum dan Latihan Amali Peserta 40 jam.